

UNIVERZITET U TUZLI

**PRAVILNIK O IZMJENAMA
PRAVILNIKA O RADU UNIVERZITETA U TUZLI
(Prečišćeni tekst)**

Tuzla, juni 2021. godine

na osnovu člana 50. tačka a) Zakona o visokom obrazovanju ("Službene novine Tuzlanskog kantona" broj: 7/16, 10/16, 5/17, 15/17, 15/19 i 9/20) te članova 50. stav (1) tačka l) i 291. stav (2) Statuta JU Univerzitet u Tuzli, na prijedlog Rektora i uz konsultacije sa reprezentativnim Sindikatom, Privremeni Upravni odbor Univerziteta u Tuzli na sjednici održanoj 23.06.2021. godine donio je

PRAVILNIK O IZMJENAMA PRAVILNIKA O RADU UNIVERZITETA U TUZLI (Prečišćeni tekst)

Član 1.

U Pravilniku o radu Univerziteta u Tuzli-Prečišćen tekst (broj: 04-295-1-3/20 od 21.01.2020.godine, broj: 04-2398-1-4/20 od 04.06.2020. godine i broj: 04-4038-1-2/20 od 17.09.2020. godine), u članu 29. stav (1) iza riječi "procesom" interpunkcijski znak zarez i tekst: "te bodove po kriteriju "pripadnost braniocima i članovima njihovih porodica" na način utvrđen u članu 31. st. (4), (5) i (6) ovog Pravilnika" se brišu.

U istom članu st. (3) do (6) se brišu.

Član 2.

U članu 30. stav (2) tekst: "i broju bodova ostvarenom po kriteriju "pripadnost braniocima i članovima njihovih porodica" te ukupno ostvareni broj bodova po svim osnovama" se briše.

Član 3.

Član 31. se mijenja i glasi:

"(1) Ukoliko prijavljeni kandidat, čija je prijava blagovremena i potpuna i koji ispunjava opšte i posebne uslove za obavljanje poslova radnog mjesta, uz prijavu na konkurs/oglas dostavi dokaze da je nezaposleno lice shodno odredbama člana 1. stav (1) i (2) Zakona o dopunskim pravima branilaca i članova njihovih porodica (Drugi prečišćeni tekst) ("Službene novine TK" br. 10/20), bez obzira na starosnu dob, a koje se nalazi na evidenciji službe za zapošljavanje, pri jednakim uslovima i jednakom broju bodova ostvarenih nakon izvršenog bodovanja shodno odredbama člana 29. stav (1) ovog Pravilnika, ima prioritet pri zapošljavanju, u skladu sa utvrđenim kriterijima i to po slijedećem redoslijedu:

- a) član porodice šehida, poginulog, umrlog i nestalog branioca,
- b) ratni vojni invalid,
- c) dobitnik ratnog priznanja i odlikovanja,
- d) demobilisani branilac,
- e) članovi porodice ratnog vojnog invalida, dobitnika ratnog priznanja i odlikovanja i demobilisanog branioca.

(2) Pravo iz stava (1) ovog člana ne može ostvariti lice, kojem je radni odnos, zasnovan po osnovu ranije ostvarenog prioriteta pri zapošljavanju, prestao njegovom krivicom ili je po prestanku radnog odnosa ostvario pravo na otpremninu, odnosno koje je korisnik prava na porodičnu penziju.

(3) Lice iz stava (1) ovog člana koje ispunjava uslove za ostvarivanje tog prava, da bi ostvarilo prioritet za prijem u radni odnos na Univerzitetu, dužno je uz prijavu na javni konkurs priložiti sve dokaze o ispunjavanju traženih uslova, kao i potvrdu nadležnog organa o priznatom statusu branioca odnosno člana porodice istog.

(4) Vlada Kantona će posebnim propisom utvrditi uslove, kriterije i postupak realizacije prava iz ovog člana."

Član 4.

U članu 134. stav (1) riječ: "dužan je" zamjenjuje se riječju: "može".

U istom članu u stavu (4) riječi: "osim u slučaju otkaza ugovora o radu u skladu sa Zakonom o radu" zamjenjuju se riječima: "osim u slučaju ako radnik tužbom zahtjeva naknadu štete ili drugo novčano potraživanje iz radnog odnosa".

Član 5.

Ovaj Pravilnik stupa na snagu osmog dana od dana njegovog objavljivanja na oglasnoj tabli Univerziteta u Tuzli.

UNIVERZITET U TUZLI
Broj: 04-2987-1-2/21
Tuzla, 23.06.2021. godine



PREDSJEDNIK

PRIVREMENOG UPRAVNOG ODBORA

Semir Ahmetbegović
Dr. sci. Semir Ahmetbegović, vanr.prof.